

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին թիվ 2317140068, 2317217959 և 2317220048 որոշումներն անփոփոխ, իսկ վարչական բողոքն առանց բավարարման թողնելու մասին

<<23>> 11 2023թ. 7-13- 11896

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ.Հակոբյանս, վերանայելով Պատվական Հովհաննիսյանի ՄԴ/88701-23, ՄԴ/88744-23 և ՄԴ/88737-23 դիմումների քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Պատվական Հովհաննիսյանը (ծանուցման հասցե՝ Կոտայքի մարզ, գյուղ Լեռնանիստ, 1-ին փողոց, 4-րդ փակուղի, 1-ին տուն) դիմումներով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 2317140068, 2317217959 և 2317220048 որոշումները՝ նշելով, որ ավտոմոբիլներն ունեն օդանավակայանի տաքսի ծառայության կազմակերպման համապատասխան ներդիրներ և շահագործվում են, որպես տաքսի:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 2317140068, 2317217959 և 2317220048 որոշումները ենթակա են կատարման հետևյալ պատճառաբանությամբ.

<<Ավտոմոբիլային տրանսպորտի մասին>> օրենքի 17-րդ հոդվածի 2-րդ մասի <<բ>> կետի համաձայն՝ տաքսամոտորային փոխադրումներն իրականացնողների ավտոտրանսպորտային միջոցները պետք է կահավորված լինեն՝ տանիքին «ՏԱՔՍԻ» գրառմամբ կամ շախմատաձև դեղին և սև տարբերանշանով:

Ճանապարհային ոստիկանության վարչական տույժ նշանակելու մասին թիվ 2317140068, 2317217959 և 2317220048 որոշումների հիմքում դրված տեսանյութերի լրացուցիչ ուսումնասիրություններն ակնհայտ են դարձնում այն փաստը, որ դիմումատուի կողմից շահագործվող տրանսպորտային միջոցները Երևան քաղաքի <<Զվարթնոց>> օդանավակայանի հատվածում տեղակայվել են կանգառն արգելված վայրում:

Տեղանքի և տեսանյութերի լրացուցիչ ուսումնասիրությամբ պարզվել է, որ տվյալ հատվածում 3.27՝ <<Կանգառն արգելվում է>> ճանապարհային նշանից հետո տեղադրված է 5.18՝ <<Թեթև մարդատար տաքսիների կայանման տեղ>> ճանապարհային նշանը, սակայն իրավախախտում կատարած ավտոմոբիլները կահավորված չեն տանիքին «ՏԱՔՍԻ» գրառմամբ կամ շախմատաձև դեղին և սև տարբերանշաններով, ուստի վերջիններիս համար բացառություն սահմանված չէ:

Այսպիսով, դիմումատուի արարքներում ակնհայտ է Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի զանցակազմը, հետևաբար նրան վարչական պատասխանատվության ենթարկելու մասին վերը նշված որոշումներն իրավաչափ են և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317140068, 2317217959 և 2317220048 որոշումները թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Պատվական Հովհաննիսյանին:



Կատարող՝ Կ. Սուքիասյան
Հեռ. 060838402